



Protesno pismo Instituta za istraživanje genocida, Kanada (IGK), Kongresa Bošnjaka Sjeverne Amerike (KBSA), koji zastupa interese bosanskih Amerikanaca i Kanađana, Savjetodavnog vijeća za Bosnu i Hercegovinu (ACBH), Bosansko američkog instituta za istraživanje genocida i edukacijskog centra (BAGI), kao i Instituta za istraživanje zločina protiv čovječnosti i međunarodnog prava, Univerziteta u Sarajevu i Bošnjačke zajednice kulture Preporod

23.04. 2012.

Dvadeset godina poslije agresije na Republiku Bosnu i Hercegovinu, negiranje genocida, negiranje zločina protiv čovječnosti i ratnih zločina protiv Bošnjaka se nastavlja. Ovaj put negiranje zločina dolazi od bivšeg ambasadora Kanade u Jugoslaviji gospodina James Bissett i penzionisanog kanadskog generala Lewis MacKenzie. Jedanaestog februara ove godine gospoda Bissett i Mackenzie su bili gosti emisije centralne kanadske televizije CTV, posvećenoj dvadesetoj godišnjici opsade Sarajeva.(1) Ali televizijski razgovor o najdužoj opsadi u modernoj historiji nije se dogodio. Umjesto razgovora o zločinu genocida u Sarajevu i Bosni i Hercegovini, navedeni kanadski sagovornici su pokušali opravdati zločine koji su počinjeni od strane agresora, ilegalne vojske i policije bosanskih Srba. Sagovornici su pokušali izjednačiti zločince sa žrtvama, agresorsku, ilegalnu srpskokrnogorsku vojsku i policiju sa časnom, odbrambenom Armijom Republike Bosne i Hercegovine. Ovo su tipični primjeri aktivnosti gospode Bissett-a i g.Mackenzie-a, koji imaju bliske odnose sa Srđom Trifkovićem, Stefenom Karganovićem i Juliom Gorin, koji konstantno negiraju zločine agresije i genocida u Bosni i Hercegovini.

Gospodin Bissett je osnivač Fondacije za proučavanje Balkana "Lord Byron", iz koje se širi ekstremna desničarska ideologija. (2) Ova fondacija negira genocid u Bosni i Hercegovini i Ruandi, napada pojedince koji se bore za istinu o tim zločinima i pravdu za žrtve tih zločina. Bissett je bio prijatelj Slobodana Miloševića, bivšeg srbijanskog predsjednika koji je umro u Haagu u toku suđenja za genocide u Bosni i Hercegovini. Ironičan je iskaz penzionisanog generala MacKenzie u intervju za CTV: "Da svatko tko počinu ratne zločine ne treba spavati". Penzionisani general je optužen za silovanje Bošnjakinja tokom agresije i genocida u Bosni i Hercegovini u logoru pod kontrolom srpske vojske "Kod Sonje". (3) Bošnjakinje su nuđene MacKenziu kao "dar" od četnika. Bosna i Hercegovina je tražila da MacKenzie bude na raspolaganju tužilaštvu u vezi ovih zločina. To se još nije dogodilo jer se on krije iza diplomatskog imuniteta.

Žrtve genocida u Bosni i Hercegovini, kako one koje žive u Bosni i Hercegovini, tako i one u Sjevernoj Americi i širom svijeta još uvijek se bore sa traumama pretrpljenih strahota koje su se dogodile u krvlju natopljenom bosanskohercegovačkoj zemlji u periodu 1992-1995. Bošnjaci su preživjeli strahote: genocida, mučenja u koncentracionim logorima smrti i logora za silovanje. Mnogi od onih koji su na silu istjerani iz svojih domova nikada se nisu vratili



svojim rodnim mjestima. Pomirenje je neophodno za građane Bosne i Hercegovine. Da bi se to dogodilo, dijalog mora postojati. Ali oni koji negiraju genocid ne mogu biti uključeni u taj dijalog. Negatori sudski dokazanih zločina genocida su uvreda žrtvama i prepreka za pravdu i istinu bez kojih nema dijaloga i pomirenja.

Gospoda Bissett i Mackenzie negiraju da su agresiju na Bosnu i Hercegovinu i genocid nad njenim građanima započele srpskokrnogorske ilegalne i paravojne formacije. Institut za istraživanje genocida, Kanada, Kongresa Bošnjaka Sjeverne Amerike, Savjetodavno vijeće za Bosnu i Hercegovinu, Bosansko američki institut za istraživanje genocida i edukacijski centar, kao i Institut za istraživanje zločina protiv čovječnosti i međunarodnog prava, Univerziteta u Sarajevu i Bošnjačka zajednice kulture Preporod želi podsjetiti gospodu Bissett i Mackenzie na sljedeće: Republika Bosna i Hercegovina je kao Slovenija i Hrvatska imala pravo izaći iz Jugoslavije na osnovu svjetski priznatih rezultata referenduma, održanog 1992. Ratni zločinac Radovan Karadžić je u Parlamentarnoj skupštini Bosne i Hercegovine 1991., otvoreno prijetio Bošnjacima.[2] Njegov ratnički govor mržnje prema bošnjačkom narodu je imao cilj da pokaže da je opstanak Bošnjaka u velikoj Srbiji jedini način da se spriječi rat, agresija i genocid.

U intervju za CTV, gospodin Bissett tvrdi da se rat ne bi dogodio da su Bošnjaci slijedili "pravila" Radovana Karadžića navedena tokom njegova govora u Parlamentarnoj skupštini Bosne i Hercegovine. Time gospodin Bissett pokušava izjednačiti krivnju Bošnjaka i Srba za zločine počinjene tokom agresije i genocida, pokušava izjednačiti žrtve i zločince. Međutim, koncentracioni logori smrti u kojima su ubijani i mučeni Bošnjaci, logori i kampovi za silovanja Bošnjakinja, nasilno protjerivanje Bošnjaka sa njihovih ognjišta kontinuirano otkrivanje masovnih grobnica, više od 200.000 ubijenih Bošnjaka od kojih više od 22 000 djece, preko 240.000 ranjenih, od kojih 52.000 djece, više od 100.000 ratnih invalida, od kojih 4000 djece, više od 1.225 miliona nasilno protjeranih u više od stotinu zemalja svijeta, više od 850.000 prisilno protjeranih osoba u Bosni i Hercegovini, više od 53, 000 nestalih osoba od kojih je 28.420 iz Srebrenice i Žepe, 475 potpuno uništenih sela, 61 grad sa predratnom bošnjačkom većinom je okupiran ili je još uvijek pod srpskom okupacijom, žrtve koje se i danas bore sa traumama, presude međunarodnih i nacionalnih sudova su neborivi dokazi srpsko crnogorske agresije na Republiku Bosnu i Hercegovinu i genocida nad njenim građanima, počinjenim između 1992. i 1995. (3). Ako želi nepristrasno istraživati strahote rata pozivamo gospodina Bissett-a da posjeti Bosnu i Hercegovinu i razgovara sa žrtvama agresije i genocida, kako bi bolje razumio strahote zločina počinjenih od strane srpskokrnogorskih ilegalnih i paravojnih formacija.

Gospoda Bissett i MacKenzie govore o agresiji na Republiku Bosnu i Hercegovinu kao građanskom ratu "etničkih frakcija", sa izjednačavanjem krivnje Bošnjaka, bosanskih Srbi i



bosanskih Hrvata za ratne zločine. Oni optužuju Predsjednika Predsjedništva Republike Bosne i Hercegovine Aliju Izetbegovića za početak rata.

Bosanski rat je bio međunarodni oružani sukob, agresija na Republiku Bosnu i Hercegovinu sa ciljem uništenja države Bosne i Hercegovine, stvaranjem velike Srbije i velike Hrvatske. Američka obavještajna služba je procjenila da 90% svih ratnih zločina u Bosni i Hercegovini su počinjeni od strane bosanskih Srba. Ista služba navodi da su žrtve tih zločina bili Bošnjaci, kojima je prijeto proces narodnog izumiranja.

Prema istraživanjima doktora Smaila Čekića, profesora na Fakultetu političkih nauka i direktora Instituta za istraživanje zločina protiv čovječnosti i međunarodnog prava, Univerziteta u Sarajevu: "Mnogobrojni relevantni izvori različite provenijencije pouzdano ukazuju na dvije početne i osnovne, bitne, fundamentalne postavke i odredbe savremenih događanja i događaja u Republici Bosni i Hercegovini na kraju 20. stoljeća: prvo, na Republiku Bosnu i Hercegovinu je izvršena klasična oružana agresija, odnosno zločin protiv mira i sigurnosti čovječanstva, što je po osnovnom shvatanju i definiciji međunarodni oružani sukob i drugo, na okupiranim teritorijama nezavisne i univerzalno priznate Republike Bosne i Hercegovine, članice Ujedinjenih nacija, kao i u gradovima u opsadi, nad Bošnjacima je izvršen najteži zločin, zločin genocida. Riječ je o zločinima koji su nastali na temeljima fašističke ideologije, dvije genocidne politike, dva velikodržavna projekta, dva zajednička zločinačka poduhvata, dva nacionalistička pokreta, dvije agresivne i genocidne strategije, dviju država, zatim dviju, odnosno triju kolaboracionističkih petokolonskih tvorevina, dvije strane vojske, četiri kolaboracionističke vojne formacije i više drugih oružanih jedinica i grupa, uključujući i strane plaćenike (Ruse, Grke, itd.). Takva fašistička ideologija, politika i praksa genocidnog karaktera je imala za cilj formiranje velikosrpske i velikohrvatske države na račun samostalne i suverene, historijski trajne i jasno definirane države Bosne i Hercegovine. Cilj tih ideologija, politika i prakse bio je osvajački rat za teritorije, za "životni proctor", za otimanje tuđe - bosansko-hercegovačke zemlje".(4)

Gospoda Bissett i MacKenzie su odani pobornici najradikalnijih, ultra nacionalističkih srpskih skupina i glasogovornici srpskoameričkog i srpskokanadskog lobija. Pomenuta gospoda otvoreno negiraju genocid u Srebrenici potvrđen pravosnažnim presudama oba međunarodna suda i presudama više nacionalnih sudova. Navedenim presudama je potvrđeno da je ilegalna i paravojska bosanskih Srba, potpomognuta vojnim snagama iz Srbije i predvođena ratnim zločincem generalom Ratkom Mladićem (trenutno se sudu na Međunarodnom krivičnom tribunalu za područje bivše Jugoslavije u Hagu za genocid na silu okupirala zaštićenu zonu OUN, Srebrenicu i ubila 8372 muškaraca i dječaka, te na silu protjerala 25.000 žena. Taktika pomenute kanadske gospode je smanjiti broj bošnjačkih žrtava,



koji je potvrđen od najrelevantnijih međunarodnih političkih i stručnih faktora i povećati broj srpskih žrtava, i time obmanuti međunarodnu zajednicu i javnost.

Gospoda Bissett i Mackenzie su sramota za Kanadu. Oni ne odražavaju snažne moralne, ljudske i civilizacijske vrijednosti u svijetu poznatog i priznatog kanadskog Kulturnog mozaika. To nisu stručnjaci koji bi trebali nuditi savjete o mirovnim operacijama pod pokroviteljstvom OUN. CTV treba bolje istražiti o stručnjacima koje poziva kao goste u svojim informativnim emisijama. Kanadsko javno mnijenje zaslužuje mnogo više od iskrivljenih laži i poluistina od strane plaćenika srpskog lobija. Kanađani koji su putem svojih predstavnika u Parlamentu jednoglasno usvojili Rezoluciju o genocidu u Srebrenici i Bosni i Hercegovini zaslužuju punu istinu o agresiji i genocidu Bosni i Hercegovini.

Institut za istraživanje genocida, Kanada, Kongresa Bošnjaka Sjeverne Amerike, Savjetodavno vijeće za Bosnu i Hercegovinu, Bosansko američki institut za istraživanje genocida i edukacijski centar, kao i Institut za istraživanje zločina protiv čovječnosti i međunarodnog prava, Univerziteta u Sarajevu i Bošnjačka zajednice kulture Preporod su razočarani i povrijeđeni, da dvadeset godina poslije agresije i genocida u Bosni i Hercegovini i dalje se pokušava izjednačiti zločinci i žrtve. To ometa proces dostizanja istine o zločinima i pravde za žrtve tih zločina. Gospoda Bissett i MacKenzie su od početka agresije na Republiku Bosnu i Hercegovinu i genocida nad njenim građanima bili bliski saveznici četničkih agresora. Oni i dalje nastavljaju negirati genocid i širiti lažne informacije poput onih viđenih u intervju na CTV. Takvim širenjem laži se ne stvara mogućnost za otvaranje pozitivnog dijaloga između bošnjačke i srpske zajednice u Sjevernoj Americi i u svijetu. Gospodin Bissett negira prava žrtava genocida i zanemaruje teške povrede Ženevskih konvencija, potvrđene presudama međunarodnih i nacionalnih sudova. Dok pojedinci kao što su gospoda Bissett i MacKenzie nastave sa svojim lažima nikakav napredak ne može biti između bošnjačke i srpske zajednice u Sjevernoj Americi. Pozivamo Kanadu, SAD i međunarodnu zajednicu da pojačaju napore u kampanji protiv negatora genocida tako da se slični zločini nikada i nikome više ne dogode.

Prof. Emir Ramić

Direktor Instituta za istraživanje genocida Kanada

Mr. Haris Alibašić

Predsjednik Kongresa Bošnjaka Sjeverne Amerike

Mr. Ajla Delkic,

Izvršni Direktor, Americkog savjetodavnog vijeća za Bosnu i Hercegovinu



Mr. Sanja Seferovic-Drnivšek

Direktor, Bosansko američkog institute za genocid i edikacijskog centra

Prof. dr. Smail Čekić

Direktor Instituta za istraživanje zločina protiv čovječnosti i međunarodnog prava Univerziteta u Sarajevu

Prof. dr. Senadin Lavić

Predsjednik Bošnjačke kulturne zajednice Preporod, Sarajevo

(1) Video snimak možete pogledati ovdje: <http://www.youtube.com/watch?v=es267LuAcAA>

(2) Vidi: James Bissett Fondacija za Balkanske studije: <http://www.balkanstudies.org/>.

(3) PACIFIC NEWS SERVICE. Suspected of Rape: Canadian Peacekeeper Gen. Lewis Mackenzie;
<http://bosniangenocide.wordpress.com/2011/03/06/suspected-of-rape-canadian-peacekeeper-gen-lewis-mackenzie/>

(4) Vidi: prof. Dr. Smail Čekić, Istraživanje žrtava genocida s posebnim osvrtom na Bosnu i Hercegovinu, Institut za istraživanje zločina protiv čovječnosti i međunarodnog prava u Univerziteta u Sarajevu.

(5) Vidi: prof. Dr. Smail Čekić, Agresija na Republiku Bosnu i Hercegovinu: planiranje, priprema, izvođenje, dio I, II